

邊縣卒于官同計力疾往扶輿歸行棧道中車輻折墮深谷車敗
輿斃血數升卒無恙咸謂有神祐也恤兄孤備至生平樂成
人善多義舉工詩尤善繪事著有浣花居吟稿秦中草

路孝友

張炯字詠賢原膳生性至孝母沒痛哭嘔血絕而復蘇者再父病
篤嘗刲股以進友愛兩弟終身不析嘗生不啻書若命寒暑抄錄
不輟惜年未艾而卒

路篤行

方樹業字載廣乾隆癸卯貢出嗣其叔父孝事母劉氏及木生
母陸氏年十四到病篤樹業請神兩月無虛夕病霍然愈而樹業
已兩鬢華耳重聽矣及卒號慟淚為之枯卒年六十三嘉慶己卯

旌府于志孝友

吳元凱字杜卿二品廕生璵子生母周氏早卒母錢氏撫之成立

平湖縣志 卷七 人物 列傳三

七

母素贈弱雷雨之夕輒侍側不去母病劇度奉湯藥衣不解帶者

累月坐是得咯血疾母亡哀張咯血益甚旋卒距錢氏之沒纔十

日嘉慶庚午

旌府于志孝友

陸汝瀨性至孝祖母父母卒值冬月營葬積雪厚數尺汝瀨身率

傭人踰土手裂出血漬麻衣皆紅旁人為之感泣嘉慶庚辰

旌府于志孝友

陸未雲字雲駿夢求子事父母孝自幼能先意承志為里黨所稱

父疾革時到其臂和藥以進創過深數月亦死年二十四

府于志孝友

周師曾事母孝母病刲股和藥以進母覺不起越二年師曾亦卒

府于志孝友

徐天貴生有至性父為水師營百長嘉慶初巡哨出洋遇匪匿

傷刃而亡天貴因求入營從帥巡緝遂得父骸骨歸事母至孝母
歿後不數年亦死

府于志孝友

張光獻字雲標天性孝友鄰人不戒於火延及光獻居急掖其病
父出火勢彌熾復從烈焰中翼祖母俱出然已傷於火遂得咯血
症嗣因母病衣不解帶者三十餘日疾愈劇母卒一慟而絕年僅
三十七

府于志孝友

朱士坊字嘉言號吟橋精岐黃術性至孝嘉慶壬戌正月鄰不戒
於火雙親俱酣眠不覺士坊負父從樓躍而下復於烈焰中負母
出傍戶而出俱得無逆火旋絕兄弟四人土坊序居其次兄歿後
撫姪如子年十二時定姻梅氏越一載而氏歿遂立志守義誓不
復娶咸豐丙辰題

旌本訓書星文基

平湖縣志 卷七 人物 列傳三

大

伊秋和字耀文號蕙園嘉慶己巳鄰有喪焚緹餘火橫飛流及
於秋和積薪之屋俄而火烈時秋和侍母於樓火延及母命之去
秋和持母號曰兒不忍也即於烈焰中負母登屋旁趨鄰屋見者
與之布縋母而下已則攀援而下皆免母幸無恙而秋和病矣迨

年卒光緒壬午題

旌抱璞亭文集纂

江安福字厚齋諸生健戶讀書事孀母篤行孝道出入必告暇時
復說古書以娛老冬夜家人失火從烈焰中負母以出體素羸自
此得咯血症未及朔月而卒

新纂

忠節 按王志忠節諸人編入列傳志亦仿其例廷不妄為更
其死節之大者
右詳置於前

錢耀字霞生監生工花卉求畫者盈門咸豐庚申七月十五日城陷賊至其家迫之降不從以槍刺胸死妻高氏大罵賊賊所之越三日死從女大寶亦死同日賊又至耀嫂俞氏及從子寶琦寶湖妻朱氏從孫女三大寶皆赴水死從孫大觀生纔七月俞氏抱之赴水浮而不沈賊去猶呱呱泣人取而哺之卒以無乳死耀嫂丁氏挈婢阿彩走賊執之丁被戮刃月餘死賊欲污阿彩阿彩奮拳擊賊賊怒磔之耀一門之中十人殉節平邑忠義當首推錢氏焉事

閩郵雲騎射世職 忠義紀

平湖縣志 卷七 人物 列傳三 尤

黃鎔字子鶴邑廩生為人謹厚篤實有聲庠序間從遊者甚衆歲科校冠軍者再踏鄉閭者十三次終不售咸豐庚申邑城陷賊至其家索金鎔跪云在樓上賊釋之鎔即躍入河賊以篙攬之遂卒 忠義紀

劉以規號杏芬邑庠生咸豐庚申城陷賊至欲劫之以規適大醉拍案大罵曰昔李陶張獻忠橫行天下卒皆破滅若等所為緣林伎倆耳曾反賊之不若意欲何為賊不解所謂然統擊之仆而死 忠義紀

劉逢年原名鴻勳號竹橋邑庠生咸豐庚申年已六十七家貧授徒鄉城陷或勸之進避逢年笑曰賊來則死何避焉及邑城陷或又勸之去逢年謂妻顧曰吾將死爾其奈何答曰與子偕死是夕

皆投水死 忠義紀

張路號雲帆邑庠生生平言動不苟有古人風咸豐庚申城陷賊至其家路年已老正襟危坐責以大義賊氣奪一賊刃其手指持赴水死 忠義紀

張開元號子方邑庠生咸豐庚申八月城再陷賊劫之至郡堅不肯降賊怒制其腹事

閩郵雲騎射世職 忠義紀

鄭瑞號小宋素性剛傲人以迂腐目之咸豐庚申城陷罵賊而死甚慘 忠義紀

邵廷樸字又新以販布為業咸豐庚申八月賊劫至郡城東會社山延橫憤罵不止遂遇害妻子聞之皆自盡

平湖縣志 卷七 人物 列傳三 辛

賜卹如例 忠義紀

徐懸堂賣藥於新倉咸豐庚申賊至懸堂呼其鄰周全信曰來來吾與汝殺賊去言未絕賊已至前懸堂罵曰爾等皆賊耳吾誓殺盡爾等奮力擊賊一賊以槍刺其脅一賊發銃中其喉遂死 忠義紀

黃鳴飛字健凌號曉嵐道光甲午舉人咸豐庚申賊擾平湖鳴飛糾鄉子弟相保聚海濱本年春平湖乍浦均失守賊東掠圍撲不能拒鳴飛散家居晨夕叱咤憤恨欲自盡家人密防之偶官某罵詞惘惘不為動死志益決忽一日他出不歸蹤跡之數日里人求告則獨居空室中絕粒將死子福增趨視之氣已絕孫鍾駿年十一倉卒遇賊即投水賊曳出挾之去其後三遇三被擄卒投水死 忠義紀

鍾春田里社守禦為備長趙家橋周圩廣陳之役皆從擊賊有功子保和戰死廣陳咸豐辛酉春田里村舍土寇張福興陰告賊賊搜得殺之虎嘯橋暴屍市上 浙江忠義錄

朱元貞咸豐辛酉賊陷邑城元貞日命三子習擊刺欲殺賊賊至甚累或以不敵勸之避元貞不許曰吾今日誓不與賊俱生獨身挺矛前遇大賊格鬪數武間血濺地赤遂敗賊元貞猶植立不退賊隊踵至遂刃刺之死 浙江忠義錄

李五觀俠其名舉百夫戰賊於新倉既敗五觀與其友嚴為賊縛去支解之無人賴五觀一賊過賊勢得盡逃死死者五觀與友僅兩人焉 浙江忠義錄

平湖縣志 卷七 人物 列傳三

主

徐錦文號翰香少讀書性樸魯年四十始入泮咸豐辛酉乍浦陷避難清溪賊至被脅行至橋頭入河賊怒利以槍溺而死 忠義錄

鄭之儀字陽齋邑庠生工制藝試輒高等從遊者極盛為人內介外和而嚴於省察著有課餘自省二卷咸豐辛酉遇賊全公為脅降不從賊怒割其耳月餘死

卹贈雲騎尉世職 府志 李義

張培之號印古增廣生成豐辛酉秋避亂至沙澣賊至培之率鄉人作擊賊狀賊不敢前忽有數人疾走賊乘之培之遂被數刃未幾卒張鶴圖號夢庚廩生與姓培之偕行猝遇賊亦被殺於沙澣

卹贈雲騎尉世職 忠義錄 紀恩

張鶴書字吉崇附貢生成豐辛酉避難於馬沈坊與友人談及時

事輒曰吾惟所速死耳暇卽袖出其母之詩與己所為詩誦不輟若不知其身患難中也賊將至人勸之他往鶴書曰我能往寇亦能往何逃為俄而賊至鶴書與子濟美俱赴水死 忠義錄 紀恩

戴寧字湘帆監生生子五人咸豐辛酉賊陷新倉一子已先死三子死於賊次子庠生真清復被擄寧子然一身飢寒交迫或勸之從賊寧恐曰吾甘餓死決不從賊生也時偽鄉官某其鄰也招之掉首不顧後竟餓死 忠義錄 紀恩

平湖縣志 卷七 人物 列傳三

主

汪惠卿俠其名兄弟四人獨惠卿善事其後母咸豐辛酉秋兄弟奉母避賊於沙澣賊至母曰四子同死無益急避之惠卿曰弟輩挈妻妹去我冢子也義當養母我生死與母共之八月被擄賊以其重難縱之歸仍侍母側明日往田間拾粟供其母至晚不歸或

告母曰爾子死於水矣母往視之果然蓋肩以下被七槍焉 忠義錄 紀恩

朱希灝號又梁監生性簡靜好詩文晚年究心青島家言其論地以六十四卦為主咸豐辛酉避居東馬橋民家賊至被害 忠義錄 紀恩

程松亭俠其名咸豐辛酉賊脅之降松亭曰欲殺便殺欲吾從賊決不能也賊斫之死子二信在旁哭且罵賊又斫之沈於河 忠義錄 紀恩

陸武曾少無賴好賭博剛不為人下邑城陷土寇蜂起世家子某素好勇集國防鄉里招武曾共事屢與賊遇有功久之賊大隊至

架潰武曾亦走海濱同治壬戌賊勢益張世家子為偽官所得作書招武曾給以再集國防武曾歸知為所賣匿不出已而蹤跡得

之傷官某堅執其降武曾不屈世家子德惠之武曾怒曰官人可降我陸武曾不能屈也傷官知終不為用乃殺之於新倉東市其友吳某竊其屍瘞焉浙江忠義錄

黃殿燾武生嘗隨鵬飛擊賊於廣陳周家圩陷陣有功國棟敗賊繼韓家廟賊蹤跡得之頻苛索妻張氏殉節同治壬戌殿燾終過賊脅降不從見殺浙江忠義錄

周家漆號雲樵炭賣生工制藝為人甘淡泊忍暗欲潔身自好足為後學矜式同治壬戌避地南牛場有友某來訪談論間似為賊黨所惑家漆面折之友感悟去夏間賊大至家漆被害於獨山之麓妻與二子皆餓死

鄧尉雲騎尉世職

忠義紀

平湖縣志

卷七

人物 列傳三

三

徐汝霖號雨巖邑庠生同治壬戌賊至荷之降不從割其右耳後賊又至持刀索金汝霖曰死則死耳金不可得也賊刃其頸遂時死

鄧尉雲騎尉世職

忠義紀

張憲清

忠義紀

號蘭畦監生壬戌秋周圩賊逼憲清日望官軍來

俄聞鎗聲以為官軍也喜極出視則賊已至前執而索金憲清出袖金擲之河罵曰我金豈以資盜賊哉賊怒斫之死子桂星年十二意毀如成人不數日卒忠義紀

馮元勳

忠義紀

號曉春邑庠生家貧避亂鍾樓城某勸之從賊元

勳怒曰余豈與豺狼為伍耶掩耳而走某給以衣食亦不受又數日某誘至賊卡令佐文案又力拒之賊怒拘之不食死

鄧尉雲騎尉世職

忠義紀

章景圻字景初少孤習買於不遠家場兄金鑑舉遊江西客死擊兄子決機歸獨任喪葬并以夙受嗣產田宅界之自甘貧窶不以介懷粵匪陷郡城闔門殉節

賜卹如例

府許志

按平邑殉節諸人其事最大畧相同不能一一詳記另刊殉難錄以昭詳慎是編所錄僅二十餘人皆已見於浙江忠義錄忠義紀畧及府許志等書其餘得諸傳聞者概未錄入

平湖縣志

卷七

人物 列傳三

三

文苑按文之爲用大者經世次者華國而詞章其緒餘也邑知陸陸堂之經術沈長水之博才獨弄文苑之采乎王志以

明

陳昌字穎昌號菊莊景泰間庠生有詩名與里中沈石窗兄弟交

善石窗目爲畏友所著菊莊集今無傳其詩僅見朱翰所輯楊李

英華才思藻麗長於七言海鹽徐豐厓詩談稱爲名家孫李詩聖我即自清

江吳隱波風雅衰暮二陳二李之餘無聞焉至正統天順間而始

盛一時如陳菊莊外嘉興有姚穀菴海鹽有張方洲嘉善有周相

鄰皆卓然大家也菊莊我里先哲惜其集不傳僅從楊李英華錄

若干首瘦其一班已足殆視流輩子穎是編選搜遺稿大抵所得

者多科目中人至於恨人喻士山夫野史半就湮沒數年來悉力

搜之一以表微焉務古人云非作之難傳之難信乎朱文苑高

平湖縣志

李璧字少白庠生有文名與茅見倉瓚輩爲雲居十才子之一後

以事下獄茅騁提學孔文谷出之惜無遺文可傳其死節李斷女

卽璧之姪女也平湖志明代乍浦秀民入庠者自璧始璧有姪松海鹽劉東亞東亞死負無依璧迎養終其身朱

馮敏効字忠卿號季山揚州同知汝弼次子貢生少善屬文七集

不第杜門著述工詞賦大小行書日置酒集故人詞客更製新詞

佐之嘗渡江中流被風舟幾覆賦詩自若所著小有亭集三十卷

字學史纂各一卷子伯頤字正伯亦工詩有青陽集清李詩聖我即自清

近後假宿東園因折二字作口就云曲川地可耕長刀歌低謝元

東親有文軍口二十去台諸子台之教効年十五應曰是勳冠二

字明日得報大誌朱文苑

洪世基字爾濟朱志作生而奇穎六歲能屬文萬曆庚子舉於鄉

日寫關手一網校閱歲時伏臘都忘郡邑長吏絕不通謁生平無

中人產口不言財利丁米計儲復落乙榜有十八房衡明文檢諸

選海內稱之程文學朱文苑高文苑張文苑王文苑

陸基仁字元卿監生篤學不倦嘗師事袁了凡得其穎悟所著易

元尚書傳鉢詩說纂元禮記道藏春秋剛補胡傳史記實錄諸書

宋文苑高文苑

孫宏祖字令宏刑部尚書簡肅植孫監生少負隼才與陸澄原趙

緯陸啟浚馮洪業諸人結詩酒社爲人歡讎昨嵎不爲世所可文

詞多說聞異藻曲踪獨韻感慨淋漓自比於怨姬思婦詩善五古

著有撲語影語可笑言諸刻子愚公字伯愚亦能詩有惜語集宋

苑高文苑張

姚世勳字元仲天啟甲子舉人甲申後隱居專心易理晚歲家益

平湖縣志

落講易城隍廟暇以弈酒自娛著有易利講義宋文苑高文苑

姚世靖字子清號藥師幼孤事母孝居廣陳遵學華亭爲華亭生

員授經陳海士門下崇禎壬午後息意仕進相隱南溪書屋樂貧

教子爲詩秀逸一空俗調有翠樾軒稿宋文苑高文苑

俞懋敬字元禮九歲能文中年得擊疾右手廢習左手書著漱石

集十二卷弟懋相字元簡創貢生性脫畧不修邊幅詩賦自娛名

其稿曰甜語按甜語宋志作甜語宋文苑

沈游字則新家貧隨父讀書鄉塾刻苦能文屢試無所遇遂棄帖

括肆力於經史授徒海鹽與胡震亨姚士彝輩交著讀書醒學庸

蒙後尚書印王太史錫衮見之歎爲吾道長城晚年布衣茹素詮

注老莊無疾而卒宋文苑高文苑

陸敬字叔度貢生十歲能作古文辭讀書過目成誦冠博極經史不事章句偶值奇通經依類河朔壯士好談論古今成敗知邊塞事纒纒不可窮自題其齋曰天生我才必有用黃金散盡還復來客燕京二十年交滿長安然終不過歸而贊其隨值喪亂乃更名遜字山翁開與酒人時士邂逅相遭輒歌歡獻聲淚俱下許法全宗少陵著有黃趾山房詩文集一百卷讀史十部四十卷經世譜八卷太元測一卷射訣一卷括上遺說散少為貴公泛舟召舊院名姬大會詞人於秦淮酒牛某短倚檻檻數日消無兩岸紅葉佐此勝集散泣明日隨復置酒比客至則陳陳席席荷香襲人翠座莫測其故蓋是夕彤金障得數百紅碎而沈之頃刻頃刻水自是十四樓中皆指目之不減哭川朱文苑高文苑張文苑王

趙韓字退之初名京翰字右翰父惟養文名動海內韓復起有平湖縣志

卷七 人物 列傳三

三

大許小許之目萬歷壬子則榜丁已援例入北雍與四方才士交戶外屢常滿吳默識當束髮時承父命願侍函丈韓固辭迨壬午遊南雍吳已為司業握手大驚曰是吾師也今乃以辟雍稱弟子耶韓嘗自謂生平於詩可許獨步識者稱其雄雉傲兀刊落常調為一時之豪云晚年自號懶生著懷言世言子佃有傳宋文苑高

文苑張文苑王文苑

錢士馨字樾農貢生少讀書化城菴研究經史多所撰述遇奇聞異義輒以硃墨標之錄為別冊或訝其多端竄要應之曰記事纂言此法最善食碑者弗肥書豈必全讀耶崇禎壬午遊南雍見知於吳梅邨尋入燕公卿爭欲客士馨士馨久而厭薄之人漸目為狂生賊犯京中允李明睿密請南還士馨私謁之泣曰賊盡得秦

隴晝夜行四五百里倘繞出嶺南以抗警羅公將何辭以謝天下李憇懼又曰不如死守以待勤王之兵先遣太子南行以繫人望李難之及京城陷士馨匿跡樵林已而復往來河朔間盡交其豪傑偶借五人至慶陽募徵而五虎躍出士馨曰不盡殺何以見諸君勇乃人發一矢當者立斃一少年矢貫虎額尺許虎入林莽中追刺其舌以報至旅店縱飲獨不與少年酒責之曰豈天不中要害不足多也後奔走無所成有勸以仕者不應遂還資益甚至不能舉火生平工古文詞兼精書畫每抵掌古今必縱橫數千言卒至窮老以死者有古文易二卷周禮說一卷周禮答疑三卷冬官補亡三卷儀禮說一卷禮記申憲一卷王制說一卷月令說一卷緇衣說一卷中庸說一卷春秋志禮八卷續趙絕書二卷宋文苑高

平湖縣志 卷七 人物 列傳三

天

孫曾梅字讓生刑部尚書簡肅植曾孫結廬秋涇庭栽梅竹頗所居曰鐵菴人稱鐵菴先生雲間陳繼儒以家藏楊廉大鐵冠鐵笛為壽曰冠胎竹葉酒笛作梅花弄此菴大不俗矣偕妻黃月輝按輝名能與曾梅妻吟詩其中平章詩史著梅間草竹裏吟學陶集也本文作友誤 吟詩其中平章詩史著梅間草竹裏吟學陶集數種 按秋涇在府治東北孫氏自簡肅即從是嘉興故曾梅結廬其地府志列為邑人以其為邑庠生耳茲仍其舊 張茂英王文苑

俞允懷字懷茲庠生窮經博古廣聲氣受知於張天如楊維斗諸人著名東東金沙文社晚年發為聲歌多高淡寂寞之想著海濱野老集宋文苑高文苑張文苑王文苑陸上潤字芳洲號狂生生而聰穎四歲能誦詩十歲五經諸史

及大家文無不通貫邑中以神童目之崇禎丙子中南閭第二出
公安袁特邱門袁官淮右公車北上胥吏以貢斧進堅拒之曰我
豈與小人作緣晚避兵村舍足不入城市性寬慈不校善養天和
叔龍如舅金履元家貧無依迎養喪葬皆盡禮從弟有私鬻其新
宅者竟置不問年幾八十日手一編弗輟所著詩文集二十卷間
蕭志林四卷湖邑記聞玉鈞小史諸書皆未刻其已刻者僅三國
六朝文選陸子三編楊李詩繫云我湖稱博雅者近代以來未之取也子來章字孟公工
詩爲當湖七子之一朱文苑高文苑
李夢字剛甫少無朋從自以意績學里陵薛學使應旂見其文重
之以爲有道氣遂自命必爲聖人作克念圖從王龍谿遊終日
正容默坐時出城市默自數步而行或時迴步從前路起再登步

平湖縣志 卷七 人物 列傳三

无

期不失尺寸人以是迂之現堵蕭然一意好道自稱也醒居士年
五十餘卒按午鶴志云夢即李確之伯祖也博聞多識應試顯明
俊及三十二人不書名而書字無子遺稿悉散散開子
惟涅亦夢世司成沈懋孝爲作兩介士傳一考
一語鶴也考墓在牛橋而兩另有傳 王文苑
曹隨字是誰初名爾等字令民別號間在居士以諸生遊成均與
孫令宏毛修之齊名著有查是山居集大泌山人序之王文苑
王路字仲遠號蕭雲其先松江之鳳凰山人後徙邑虹霓堰七世
生路幼嗜學多所綜覽集吉安貢之士爲書曰冰蘗舊又著客臆
留三十詠性喜勝花居龍溪萬松臺花史左編二十四卷雲間
陳繼儒爲作前後序行世惜石編未就而卒花史云陳山寺後有
臺萬松樹觀子花史
左右編實成於此時見萬翠飛來元名萬松臺于稱作萬松臺記
李天植九山志仲遠花史已刻行今猶不傳而前後兩序余見之
白石山房藏稿中直是不朽仲遠夫後軒冕錢刀不足
爲達人一盼然則人固貴自監哉 張文苑王文苑

王端字正始號雲外又稱雲王居士路之弟也嘗讀書湯山澆花
種竹多有別致中年棄舉子業學劍好兵家言時方多事乃著車
戰圖及城守要畧諸書天崇間走南都以策干當事不見用後竟
如其言性好交能詩畫喜遊山水以丹青著名白下卒年五十有
四臨沒屬其子以明處士表墓焉遺稿有雲外集子總字蘭爲說
賓旭邑庠生能詩王文苑
許丕祚字芝裘號孝拙廬膳生少孤事母以孝聞績學工文敦重
名節乙酉秋爲亂兵所害及門李慶乙哀集所作名拙菴遺稿今
散佚張文苑
王文苑
倪端初名涵元字惺孩世居清溪父龍字鍾白著有白雪談柄端
家貧父沒與母自邑中還於龍嶽山之陰以教授爲業喜爲詩好

平湖縣志 卷七 人物 列傳三

平

客每蓄旨酒以供吟社兒輩悉教治農圃有隆者風後苦目疾年
五十四卒所著有效彙集張文苑
王文苑
宋咸臨錫禮咸初名斌字二完後字爾恆別號覺非工舉子業喜
爲詩讀書於陳山潛心易學著有易說李天植爲作萬松臺讀易
圖記性側儻不拘小節工臨池筆力遒勁又善弈家貧不給送薄
遊金陵上湖湘有卜居牛山之志年四十九卒著有金陵遊草唐
詩合治忘機社詩選錫禮字中黃亦善易學與咸齊名人忘機社
中著有讀易微言李天植盤園遺文系與社中文也以宋九先爲
吳友宋二完爲陳友倪端孩時聖傳陸中黃周
雲刻爲益友而王長款昆季則千里友也元微解師則方外友
也大都與道近而與俗遠者故一日定交終身以之 王文苑

國朝

金式玉字藍珂性嗜書工詩古文詞順治丙戌拔貢授壽昌縣訓

導辛丑成進士與弟瑛玉等晨夕誦誦既登第歸遇邑有文社必

補筆墨與會制藝益工謙退下人終日手不釋卷著有律呂新書

註三易通四書人物考按舊志稱式玉為訓導時捐俸置義田貧

庶事勞焚之又稱其終日侍父母如嬰兒有所獲悉以奉親無積

其著述可傳特列文苑今從之

計不敬字元震博聞強識與兄丕祚齊名著有稽古類言續集諸

書子賢字初白亦能文張文苑
王文苑

戴本字仁生少孤貧質奇敏甫就學出語已驚其長老為詩文具

經鍾鍊而又出於自然嘗從許丕祚周宏起遊而李天植朱之鑑

許丕敬輩亦交相許可亦一時之雋云著有幾底書二卷九山翁
補志

孫之琮字元襄仁和人少負邁才廣搜異書典故為文古雅軼漢

平湖縣志 卷七 人物 列傳三

學使者試觀第一晚年結茅西溪為徵君洪業招致之遂移家鶴

鵲湖上洪業好客每當名流大集酒酣援筆數百言立就著有史

論一卷粗細草一卷纂類十卷及輿地山川圖行世子煥光字季

致號曉夫庠生能文工詩有溫李風致知縣朱維熊延修邑志考

核詳明衆論稱之朱漢高為儒師
張萬賢王文苑

馮秉恭字子近為名家子性不羈傲僻忤俗善哭意有不適長號

者移時為諸生不過放廢詩酒曉居北郊別墅儲法書古瓷以自

散嘗與鄉客酒人拔地起舞或醉臥水草間與牧豎為伍驅犢荷

簪作野老態著有亦諺萬齋詩集宋文苑高文苑
張文苑王文苑

陳國政字憲生讀書元球寺裏東張太史溥雅重之順治庚子就

貢入都寶坻杜文端當國薦其名廷為子師終老名場晚而歸里

於所居之南構三井園起秋聲閣栽花蒔竹嘯咏其中二十年不

入城市有陳子古業二卷詩集二卷張文苑
王文苑

馬廣幹字飛生靖江訓導鳴雷子生員幼警敏讀書過目成誦仲

紙數千言立就尤長辨才過詩酒遊諸賓友祇集輟為巾屢裘高

談雄論連舉能船數十神氣自若家貧以教授為事凡理學性命

及古今成敗得失口講論多別解使人臺臺忘倦歸其門者日

衆著有四書讀詩文集歿後門人私謚曰端敏先生宋文苑高文
苑張文苑王

文苑

于琳字貞琨號甘山父有恆字聖初貢才名工書法尤精於易天

啟間以貢授四川南溪主簿卒官琳博極羣書為文屢變試輒高

等少任俠喜擊劍談兵順治庚子虜嚴薦不赴教授生徒嘗承父

平湖縣志 卷七 人物 列傳三

志遂三易得習學九卷廣變四卷衆告一卷皆原九圖之意以立

言兼通六壬旁及地理醫術無不窮究書畫俱臻逸品晚年習釋

理庚申冬俯然揮手而逝年八十五著有士學古編二十卷已酉

集香祖菴草宋文苑高文苑
張文苑王文苑

柯宏祚字魯山九歲補庠生甲申後棄去舉子業素冠布服遊燕

南江北與方外畸人交遊應所經詠歌甚富有九山草堂集年九

十三卒張文苑
王文苑

朱之鑑字孟昭號平齋年十五始讀書旋入學性高傲物自謂狂

生人亦狂之遺風遊跡雙徑虞山之間者數年歸里後不復應試

禿頂緇衣教授生徒與馮秉恭周宏起最善所著多散佚止遺北

應存稿一卷王文苑

周宏起字雲蚪號道腴又自稱寓庸幼不甚穎異潛心力學後竟大成爲古文縱橫排募與許丕酢齊名有海上二帆之目康熙辛亥寓都魏應訪李天植主宏起家著有易經集義兩上仇兆鰲見而稱之又有四書集義陸清獻作序謂其排斥姚江有功於考亭壬子知縣陳孚宸延修邑志後以歲貢任青田訓導卒年八十三

遺有望古堂詩文集

高文苑張文苑王文苑

沈日星字明阿號大山德安知縣君棧子庠生與弟不負俱以詩名少從父宦江右黎博菴器重之所交皆當世名人遊金陵與吳梅村劉伯宗姜如農諸前輩爲同社友吟咏至老不倦著有蘭石齋詩草子句字南城增廣生博學能文爲人端方嚴重著野意齋詩集

張文苑王文苑

平湖縣志

卷七

人物 列傳三

三

陸楚字我謀號曠楚郡庠生爲人外和內介交遊有過輒面斥之無所忌書齋高爽山池草樹頗擅幽勝日擁書萬卷嘯歌其中塵務不縈於懷亦不問家人生產計非騷人雅士不得窺堂奧也晚歲娛情詩酒著作甚富稿多不存所刻曠楚詞一卷年六十卒塋少與趙佃陸葉沈蟠日陸世杖陸來章沈隆觀稱富湖七子

宋文苑高

文苑張文苑王文苑

郭襄園字阜旭號匡山明御史紹儀季子兄雍圖順治辛卯舉人以父年高不赴公車襄園歲貢生弱冠爲張溥文德翼所賞長益工詩三吳社集皆知名書與沈季友同輯柘上遺詩行世性個儻好事交遊談諧無虛日歌舞絳竹六博倡優時時微逐以爲樂乙酉泛舟入海期年歸一日殺其仇於市下獄賴友人李慶乙以脫

自壯至老奔走四方久而無所遇賣侍郎洛嘗贈詩曰苦吟經戰伐祖褐老就坤其風咏可知矣晚年買妾居畢橋竟死於吳有更生集無子撫其外孫鍾氏子三人爲後長機字石城府學廩生博學工文姜學使構延入幕謂才冠浙士大光棧健事兄至恭俱早

卒

高文苑張文苑王文苑

趙佃

宋高張三志皆作佃

字天來號帆青韓子少聰敏經史百家皆淹貫年十五補庠生試輒高等中歲無所遇詩得中唐人高格與閻學陸業等舉當湖七子會

詳陸

性狷介外柔內剛疾惡不少假不喜飲酒每遇四方士燕會端坐竟席不妄發一言粵東馮學使聞其名聘之抵署卽歸曰我欲一啖荔枝耳豈能作人幕客耶遊燕歸獨居一室遂與世絕病革願諸兒索筆書曰正性不磨何難朝聞而

平湖縣志

卷七

人物 列傳三

四

夕死卑躬受益尙其修己以光前擲筆而逝著有度嶺言紅豆詞資真集藏於家人謂趙氏祖孫父子皆天下才三值數奇爲之悅

宋文苑高文苑張文苑王文苑

屠敦增字問兼父象美羅雜家室流離諸子貧困增勵力學能文見重於時然久困場屋康熙戊午挾策北遊久居燕即忽索僧僮跏坐作偈語投筆而逝

王文苑

沈嗣字叔翰號尚虛又號香嚴家世豪盛折節讀書爲邑生不過棄去日誦佛言梵唄之餘輒作韻履治遊老而勿悔有書屋數椽惟名僧韻士樂爲談對庭列雙松日哦詩其下與宗人季友居相近唱和最多著有金庭訪草

張文苑王文苑

沈峰字涵中號古民歲貢生博極羣書癖耽吟咏爲人軒昂磊落

有陳元能榮分墓邑志網羅舊聞人謂兼才學識三長所著有長水雜詩行世

高文苑張文苑王文苑

鮑駿字聲來號桐石由增廣生入太學執經長洲汪琬門下琬稱其詩入劉錢之室一時名宿如施閏章王士正葉方蘭田雯潘耒皆相見恨晚以博學鴻詞薦丁外艱不獲試而歸服闋有遐遊五嶽之志思雪中江右黃山武彝天台至必題詩倦遊歸築室曰草庭琬爲作記駿祖文遠工二王書法駿承家學更極縱橫盡致自成一家

張文苑王文苑

陸世來字上扶諸生僑居嘉善以能詩名與朱彝尊譚吉聰沈岸登往來贈答築匡山讀書處於永安鄉麥岡里以終著有陶野集梓園詩詞稿戊子詩稿紀行草

府志志文苑

平湖縣志

卷七 人物 列傳三

三

錢榮泮字蒼嶼邑庠生工制藝出入陶菴臥子間兼工詩與弟起隆有二難之目著有聚奎樓詩文集

新纂

錢起隆字貫山生員長於詩與陸開學葉葉中書舒崇有柘湖三俊之目入太學試北闕不售遊燕楚齊豫間題詠益多歿於山左稿散佚無存

張文苑王文苑

沈不負字集九號東樂邑庠生十歲能文尤工詩與兄日星齊名性孝友兄弟既析居旬日不晤輒拿舟往訊後仍同居清溪著有老雲齋詩刪十卷村居詩一卷哦石齋稿四卷韻鈔四卷

高文苑張文苑王文苑

王文苑

陸士燦字昭文舉人上湖孫監生好學工文弟士玟康熙甲子發解並有文名而燦終困名場鬱抑以死藝林爲之扼腕著有蕉侶

遺草

高文苑張文苑王文苑

張家漢字漢中讀書十行俱下爲文磅礴奇古康熙甲子副榜庚午歲入教復遭黜落巡撫遂甯張鵬翮奇其文延爲子師召四載推以學行相契後衍聖公敦請執弟子禮儀封張清恪爲運河道延主濟甯書院未幾歸年七十五卒著有詒安堂古文及制義族弟榮字星若胸懷灑逸亦工詩

高文苑張文苑王文苑

陸琴字威咫清獻族叔年少於清獻清獻館倪氏校閱大全釐正制義研究道學諸書琴時與參訂康熙丙寅以拔貢入都旋歸鍾戶著述工書善琴兼精岐黃之術爲詩縱橫兀聳頗肖蘇梅有易義韻譜四書尊聞錄枕上吟宜雅堂集年五十忽嬰痼疾猶日口授尚書數條未竟而歿

按當湖人文述謂琴受業清獻張文苑王文苑

平湖縣志

卷七 人物 列傳三

三

戴茂隆字維軒太學生博綜羣書尤工詩賦康熙己未舉博學宏詞時邑庠薦者三人一爲陸榮一爲陸龍其茂隆峙而爲三所著詩文惜多散佚不傳

路志

沈季友字客子號南疑西平知縣榮子康熙丁卯副榜少聰穎精制藝及古文詞尤工詩原本漢魏六朝出入三唐自成一家嘗侍父西平署山陰毛檢討奇齡一見歎爲曠世逸才年二十六刊南疑集行世一時紙貴名動江左叔樸豐於資卒無子季友當嗣自以親恩未報不忍爲人後遂賦還遊生平至性過人藝技涉帖之思時寓諸詩已而遊都下海內名宿如新城王士正宜興陳其年番禺梁佩蘭長洲汪琬輩皆相見恨晚交推重之婦翁陸開學葉著作每引參定時稱水清玉潤由正黃旗教習考授知縣未及任

而歸杜門著書教名教刊諸立嗣石莊一族賴之分纂邑乘詳贈
有體請祀李天植馬嘉植於鄉賢祠捐資贖閩人之鬻於旗者鄉
人咸高其義視年四十六所著有構李詩繫四十二卷入西庫全
書明目錄別錄嘉興一郡之詩由漢晉以至國朝書田中全
每人各爲小傳詩中山川古蹟民風物產亦多所考證拓上遺詩
四卷按是書與郭襄園學古堂詩集大卷按南疑集及武進集
紅集一卷賦格十卷方術集制藝行世子塢字東表亦能詩入洛
如社高文苑張文苑王文苑

按王志篤信構李詩繫凡邑人之在詩繫者無不入志然以寥

寥一二詩概爲列傳不無近濫如明沈樾字元應號樾軒天順

戈思齊字子賢號龍村嘉隆孫成名字允仁號儀鳳嘉隆

遊漫草兩沈紹心字聖真號五客萬曆王居中字德允號

平湖縣志 卷七 人物 列傳三

陸在前字令瞻有馬嘉松字曼生有花鏡齋豐北遊

朝陸緒明字以豐號梅亭范琦字林奇序生有陳濤字子虛有

李碧字石水幼孤能文與先輩無異陸顯字道周號陸谷字

及西孟號大千後改號契樵張璠字明一號慎表馮元白

生有則馬辰御字青蓮有沈曜字華九國父諱日官柳州始學

花張宗信字以純號石邵翼字汝爲號冲菴太時達德字長民

仲芳梅花詩沈秉字洪綽有馬輝曾字學三號通菴有尙有詩

集可入藝文至若明潘寔字以沈鍾字益峰正沈維鐵字雲湛

文洪默字惟城陸陸光岳字與奇號日路萬曆沈維鑒字新

學門萬曆間林中英字錦聲萬王偉字青沈原清字伯清戈金

初城教諭

湯字帶國朝陸之字我上有陸英標字彥成縣學生能文
沈起雷原名陸說字徐之字遠將精於胡采字真千汪溪字
寓富湖胡介字柳若吳同雲字雲芝楊煥字彥方少負才
王庚山字履端早卒沈是字去非生平謹信陸世祚字古
關學生有詩未刻沈是爲塾師有稿未刻陸世祚陸世祚字古
西阜別稱陸顯武字慧遠號資沈真日紅字陸枝山字仲孫
生傳學工制藝張渭字子潤僅存姓字亦附文苑未免名不符
年三十三卒

實姑識於此以俟誦詩知人者論定焉

過陸字錫珙庠生嗜古積學順治己亥里中施仲芳陸嗣開續舉

徽遠社推爲後來之嚮性故坦易遇良德會必盡歡有晉人風年

八十卒後裔式微詩文多散佚嘗與沈嵎等分纂邑乘稱詳核云

平湖縣志 卷七 人物 列傳三

陸王志嗣源字若谷諸生教倫砥行工制藝屢薦不售著撰指詩

鈔撫松文集南子志

姚大楨字亘山諸生少穎悟善屬文每客遊探佳山水不慕榮利

有枕書樓詩餘百花詩梅花百詠諸刻高文苑張文苑

俞曾模字存三諸生少好學家貧教授生徒一時名儒多出門下

著五經講解諸子粹言而周禮纂註一書尤能闡明先儒旨要生

平孝友因自幼失恃衰年言及母氏必痛哭失聲更往孝經以志

慕焉張文苑王文苑

邵昂字白崖江西提學副使延齡子監生善詩古文著有德藏寺

志畧九卷白崖詩集王文苑

胡慶豫字繼來號東坪感貢生性醇謹學問淵博書經四禮尊義

一書曰非敢訓世用以檢身教家云爾少即工詩古文客江西與

吳陵邵子湘洪都彭元欽日相倡酬由京師入蜀入秦而歸詩益

工著東坪詩集八卷杜詩集註十八卷弟觀字次咸康熙辛酉順

天舉人丁父艱哀毀卒次恆次殿貢次復並諸生恆字晉三長於

春秋啟貞字雲初精易理能詩老而無後客死豫章復字見亭書

法李北海黃浩翁早歿時稱胡氏五俊

張文苑
王文苑

周儒字宋傳啟貢生幼慧就書枕籍經史為張家漢高第弟子履

顯舉屋客燕臺數載終無所遇歸卒於家著有文翠軒詩文集四

卷刊行者歷試草一卷子二長蘅字鄭舉歲貢生次學海字紫迴

諸生皆以能文世其家變尤長詩古文

張文苑
王文苑

陸光曜姚之揆光曜字東白廬膳生工制藝試輒高等事母純孝

平湖縣志

卷七 人物 列傳三

三

母或詣弟所旦晚定省風雨無間讀書竟日危坐無情容行於市

未嘗傍睨偶登舟解維即發篋手一編遍讀不輟弟光魯乙酉中

式光曜是年亦擬魁以病不終試論者惜之晚年崇信釋典頌及

貢忽棄諸生不就之揆字東衡廬膳生規言矩行為時楷模制藝

曲折深摯能拔奇於西江諸家外尤邃於經學康熙癸巳鄉試已

定元忽病作不竣事歸家竟不起刻有東衡四書文稿學香齋二

東先生

高文苑張文
苑王文苑

俞嶽奇字丹嶼號西野少奇偉好讀異書工詩尤長篆隸書歷

遊齊楚燕豫閩粵嶺黔間與諸名士交抑塞磊落之氣多見之於

詩卒不得志以歸結茅城西之秋雪村嘯歌自得芹廬近稿荻

雪莊詩西野筆談衡素齋印譜

高文苑張文
苑王文苑

陸時杰字耳瑩號力夫增廣生少負奇氣稍長始折節讀書工詩

文駢體尤為時重求者日踵門應之忘倦善持論與人談前史事

滔滔滾滾如置身其間者貧無後遺稿多散佚僅存廣輿要覽百

版考二書

高文苑張文
苑王文苑

潘應奎字星伯號今尼生員負才不偶放意曠傲詩從香奩入手

中年家日落而詩學益進諧謔似韋左司刻苦又近孟東野洛如

社中咸推翹楚

張文苑
王文苑

于東景字湯谷康熙庚子副榜少受業於兄東暹讀書稽古隆冬

酷暑不輟分隸故事不煩檢閱原委井井年踰七十問字者盈門

酬答如響遇佳山水輒相徵吟流連竟日著述甚富錦璇閣詩

稿東暹字亮瞻生員工詩詞駢儷

高文苑張文
苑王文苑

平湖縣志

卷七 人物 列傳三

三

姚廷璽字述綰號懶迂先世江南金山人父銓字生生始遷平湖

與張帶三吳日子董榜亭輩飲酒賦詩為忘形交所著有修竹廬

稿廷璽性豪邁亦工詩嘗攜別墅於所居西偏積書萬卷詩花瀾

竹邊詞中諸名士結詩酒社著有懶迂小稿鳴水偶吟書學集慶

飯草吟贈諸編紙燕詞

高文苑張文
苑王文苑

陸釗烈字懶真庠生有文名再試於鄉不售遂棄制舉業遊越南

田烟舍栽花累石日與知己相倡酬詩境幽秀高雅能拔幟於洛

如社為湖中近代名家晚忽棄家為僧名德衡字高遵結廬慈傍

曰松在自稱栽松道人往來雲林佛日間嘗自作生座詞及病革

又手吟咏而逝著有停雲續影集

高文苑張文
苑王文苑

張培源字江亭號尊香監生父重芳能詩著有鹿閒集培源深得

家學好書購宋元精刻積數千卷藏一樓寢食其中體雖羸吟咏不輟卒年二十有六著有吟香詩集四卷子雲錦有傳

高文苑張文苑王文苑

俞承祺張志作永祺字星源歲貢生生平謹言行不妄色笑爲文達於古法以先民是程時制義餘微煬之一軌於正康熙間汪學使蒞

視學兩浙以嘉隆規範程士歲科五試三冠其曹居恆執經就正

者履滿戶外年六十餘卒

張文苑王文苑

張在霄字健凌恩貢生少穎悟至性過人父日煬以宿學爲諸生

師在霄志攻苦未弱冠僦於庠制藝根柢經史父歿弟鍾秀尙幼課以實學後成進士卒年五十二刻有四書文稿鍾秀有傳

高文苑王文苑

平湖縣志

卷七

人物

列傳三

聖

王觀成字元文號嘯園廬膳生幼有神童目學使張希良面試七

藝補弟子員性嚴直好濟人急鄰被火各喇以金多讀書善講貫

凡天官地志律歷河渠叩之靡不條析原委年四十七卒著有經

解剛要四書梓言性理集說今可軒制藝弟用錫錫嚴泰順用錫

字廷獻以嚴貢生任新城訓導遷於易學錫嚴字元肅歲貢生與

二兄齊名能詩泰順字健園弱冠舉于鄉

高文苑張文苑王文苑

陸嘉字字仲萊貴州參政祚蕃子恩貢生性洒落父雖貴顯而家

徒壁立折節讀書不少挫志工制藝尤善小品論者謂與金壇王

步青相埒雍正丁未邑人盧生甫官刑曹郎以才守兼優薦部檄

本籍起送有司臨催上道接母老力辭家貧職歌自得授徒終老

孝子張世昌兄弟其弟子也著有四書文稿

王文苑

葉之洪字石水號待堂監生候選州同知先世江南歙縣人父寓

當湖因家焉少負異才從陸開學業遊與孫眉光沈季友輩有蘇

門四學士之目陸載崑倡洛如詩社偕其弟之溶與焉著有寒碧

齋詩五卷黃山遊草子映榴字柳田生員亦能詩

高文苑張文苑王文苑

葉之溶字笠亭工詩古文與兄之洪齊名學使李清植以人品端

方薦乙卯又舉博學鴻詞省試被放士林惜之著有小石林詩古

文長短句小石林文外列國考年譜考廣輿摘韻長子崇字符客

乙卯拔貢生官於潛教諭次子諫字信臣監生並以能詩繼其家

學諫著有激澗齋詩鈔六卷

高文苑張文苑王文苑

陸載崑字伯璣號漁檢討奎勳從子生員年十三能詩長益工

舉洛如詩社陸氏十二人益以親知十五人游歷兩年得詩二千

平湖縣志

卷七

人物

列傳三

聖

二百有奇詩以中晚唐入爲宗秀水朱檢討彝尊選存六卷序刻

之雍正庚戌浙江修通志至勳總裁載崑亦與分纂後弟子金壇

于文襄敏中視學山左延請校文以疾卒於署從弟載震字亞源

監生亦工詩

張文苑王文苑

陸載紀字抱青號敬南檢討奎勳長子嚴貢生幼好學至老不倦

寢食坐臥不離書堵見卽手錄成編工詩古文分纂浙江通志廣

西通志所至名賢倒屣母老歸養問字者無虛日母病不脫冠帶

者六旬及母歿日夜啼泣賦烏夜啼志哀年七十二卒

張文苑王文苑

劉錫男字硯芬號蔬庵庠生博學多識詩文不屬草千言立就自

中繩尺生平友愛至老彌篤年四十餘喪偶不再娶無子所著有

待虛詩文集

高文苑張文苑王文苑

沈燮字御李生員工詩遊金閭白門江右日下湖北黔南凡山川草木奇聞壯觀咸以詩發之著有蓉湖詩鈔子天遠字應九亦能世其家學

張文苑王文苑

韓戴錦字貽孫號柘田生員詩宗晚唐兩宋諸家對客揮毫千百言了無窘色著有寶墨齋詩鈔

張文苑王文苑

馮承烈字孝移增廣生博學工古文詞康熙庚子鄉闈已偶復失性孝友姪藻少孤撫養成立家貧好施與品行純潔日取所作事書於間日質心集遇朔望則膳於神前焚之終身布衣蔬食授徒講學不倦南鄉知縣徐鴻昇爲其高弟子暮年得癰脚病坐臥一樓精研經史尤熟於左氏傳嘗做呂東萊博議著有左氏論說一卷及周禮論說若干篇

張文苑王文苑

平湖縣志

卷七 人物 列傳三

三

宋景讓字雙鵬父炳奉母膳族以孝義稱景讓未冠入學旋補廩膳生學詩於陸檢討奎勸學駢體於劉秀才錫勇古文則私淑周宏起自成一家言性卞急中年與黃正色遊薰陶涵養漸歸和平嘗誣李孝廉天植九山志作午浦九山續補志未成而目疾作遂輟業卒年六十正色字肇修踐履篤實好養生家言乾隆壬午當充恩貢患末疾不能赴試以廩膳生終

張文苑王文苑

唐起鳳字羽豐號九峰性英慧年十三卽能詩工楷書弱冠領乾隆丙辰鄉薦屢上公車不得志遂絕意進取閉門課子賦詩自適著有九峰詩草

張文苑王文苑

陸天錫字畏蒼號青棠乾隆戊午舉人磁穰失怙母林親授章句長而以能文名母歿痛不及祿養旋得心疾奉部截取知縣不能

赴旋卒年六十二生平交友以道義相切磨晚境憔悴詩益雄健卓卓書法亦得晉人風致著有古香閣詩集

張文苑王文苑

陸祖錫字念劬天錫從弟父垣歿母林授以經書過目不忘弱冠受知學使王蘭生由拔貢充教習時梁文莊詩正在詞館奇其才遂定交詩文敏捷數千言立就尤善小楷得河東家法文莊贈詩有題陵玉匣久塵遺新樣從君擅柳家之句終不遇後蘭生視學安徽招入幕旋隨入陝會舉博學鴻詞科蘭生卽疏薦總督李衛嘉興徵文瑞陳羣亦交章薦之

廷試

保和殿放歸慈烏伸荷得心疾而卒著有松鶴集

高文苑張文苑王文苑

張奔樞字振西號今浩監生父母歿同廬第七人幼讀四部奔樞廷師謀之相繼遊庠性落拓工詩古文詞三赴北闕不售交益廣

平湖縣志

卷七 人物 列傳三

三

學問益進歷遊秦粵閩晉楚借助江山所著日富與諸弟友愛文行重一時著有乃莊紀遊詩八卷月在軒琴瑟二卷弟應璵字義傳生員事母孝母病博覽方書親奉湯藥校刻陸清獻制義次弟在璵字鳳徵增生屢試不售刻有沁香居時文與兄同操選政有聲於時

張文苑王文苑

陸鍾英字舒霞晚號退士沈潛經史遠於詩古文尤工制藝乾隆辛酉舉人淡於仕進當事延主當湖書院講席十餘年因村巷誇品評悉當多士悅服里有文社皆折衷焉兄汝欽罷官歿宦家蕭然鍾英分視田所獲贖其孤寡教兩姪成名後奉部截取知縣辭不赴授書講學以老

張學友王文苑

高嵩字三臺號峻齋編修與子盛生由

武英殿行走議敘州同知補江南山陽管河縣丞工書法蒼勁秀逸

其姊婿雲間張文敏照當屬捉刀人莫能辨詩授自陸太守繪得

三唐遺意曾于任所賦落葉詩三十首爲時傳誦乞休歸日飲酒

賦詩徜徉物外繪寒香曉節圖以見志年七十無疾而卒著有韻

靜齋集醒閣詩鈔若干卷

張文苑
王文苑

馮重華字文彪號南屏家貧刻苦積學博綜經史乾隆壬申年五

十始領鄉薦性耿介不爲翁翕熱人望其風采畏之遇學古士輒

傾心庭借爲文典重有骨刻有耿業堂四書文稿

張文苑
王文苑

張雲錦字龍威號鐵珊監生少學於舅氏陸奎勳工詩尤善咏物

有紅葉詩奎勳賞之稱爲張紅葉高安方榮如愛其春草詩贈詩

曰楊春草後張春草他日應將台傳傳一時名流如杭世駿厲鶚

平湖縣志

卷七 人物 列傳三

聖

輩皆與訂交總督李瀚聘修浙江通志及西湖志乙卯舉博學宏

詞科省試被放著有蘭玉堂詩正續集二十一卷文集二十卷紅

蘭閣詞藝貼咏物詩及弄珠樓佑聖宮應藏寺諸志

王文苑

馬恆錫字久庭號愛廬生員幼工詩濬於科名課徒暇以吟咏自

適爲人和易善引掖後進學詩者多師之著有古直廬集

王文苑

馮錕字含輝號澹園少穎悟讀書過目成誦年十八補弟子員試

輒高等英西拔貢棘闈屢薦不售操選政二十餘年所刊考卷墨

卷同風錄風行海內問字者屢滿戶外授仙居縣教諭精勤督課

士氣一新甫三月卒官歸櫬時諸生感泣有徒步送百里外者刻

有應試文編

張文苑
王文苑

戈志熙字虞三庠生少穎悟年十七題舉輪袍傳後詩卽爲鄉先

輩所賞及長益耽吟咏雅鍊清新有宋人風格性豪奇磊落人皆

以狂士目之其行文不肯一字拾人牙慧屢不得志於有司居北

溪鍵戶著書年踰艾實志以殫著有東海酒徒外集管窺草

路文苑

張景陽字開三號端門拔貢生性豁達不汲汲仕進嘗客豫聞又

遊浙東所至倒屣聞戰僥得僥失丁卯後不復踏省門課徒訓子

研究經史唐宋大家詩古文詞嘗借諸兄選刻洪鈞各種時文又

選國朝四家稿均稱善本癸酉甲戌間蒐羅本邑前諸遺文爲

當潮人文選選人係以小傳畧仿楊李詩繫之例頗具微闢苦心

辛年八十一著小鳴齋有韻文十二卷

路文苑

胡雲雲字叔玠號玉坡增廣生苦志力學於洛如吟社中詩最渾

雅編括金元以來故事編爲小賦錄實補前類書所未備兼工篆

平湖縣志

卷七 人物 列傳三

吳

法所鐫印章得漢人遺意著有瓦鳴集四卷

路文苑

朱維護字歸軒號夢浦庠生貧無立錫而敢於吟咏嘗之蘇州謁

沈尚書德潛閩人見其貌寢弗與通方爭辨間適德潛出見之問

姓氏曰詩人也揖之上座生平寶愛一木屨出入與俱人因呼爲

木屨居士著有東湖志東田集慎齋詩集

路文苑

沈某字召仁號雲川歲貢生父高飛字來巖較品績學門徒著錄

者數十人以廩膳生終案承庭訓弱冠亦領於庠試祖高等貫穿

經傳尤精周官禮爲文思沈筆勁幾欲與方舟王汝礪頡頏其不

遇亦頓之後生晚學經其品藻輒心服然性稍潔又不善治生因

是家益落以授徒終

路文苑

胡奔獻字烈唐號鶴巢作文深於經術爲諸生試輒前列乾隆二

十一年學政檄使獻賦

行在

以母病辭性剛正不阿偶當事未嘗一干以私領乙酉鄉薦十上春官不第以著述自娛著有勤思堂集

語文

郭尼顏字直士爲文有根柢試必前茅肄業數文書院爲山長齊

侍郎召南所賞登乾隆乙酉賢書展爲南宮裁取不赴邑令王悅

與同年屢迭訪然終不干以私著有榆村詩文集

語文

錢德尊字芸暉號印湖父大榆工詩文以一矜老德尊承其家學

苦志攻書寒暑無間遊庠後師事其叔大登大經業益進領乾隆

戊子鄉薦生平厚重寡言尤敦孝友當伏處時於經邦大畧了然

胸中惜早卒

墓

宋景闢字今邵號碩桑歲貢生博覽墳籍動於撰述督學彰元瑞

平湖縣志

卷七

人物 列傳三

聖

歲試古學閣部僅錄二人一景闢一到隨皆平湖人也乾隆己亥

邑令張力行延修邑志景闢任分纂賦五句脫囊復作料得二卷

使後之修志者得據以正前志之說歷部試者十有五次薦經不

售以書案牘累訟繫目亦旋直當選刻龍興集等書著有乍浦志

桑阿吟屋藁刻題字漢通庠生有南才早卒著有燃藜閣詩草

語文

苑

葉莊字守鏡號竹莊童時賦新月詩爲族祖之浴所賞後因病廢

制舉業專事於詩入洛如續社詩成同人無不心折者晚年性其

咏物詩爲離邊石畔吟及竹莊詩集八卷行世竟以布衣終

語文

馬咸字澤山家新溪潛心學古嘗寄食獨山橋舍寒夜讀書達旦

不輟受詩學於其族父恆錫兼工小楷篆書畫得郭恕先法嘗遊

天台金陵皆有吟咏大吏某聞其名以金帛求畫屏風婉謝之未

幾某以墨敗客金陵時有故人子貧甚以畫直助之渡湘湖遇履

舟者顧畫教之以布衣終著有台岳遊草八卷怡庵詩文集十二

卷六法品畫二十卷

語文

路德成字升階號蘭江邑庠生有古君子風與里中陳謨蔣元爲

素心交皆以文學名於世平時覃精三禮於儀禮致功竭力朝嘗

夕考歷數十寒暑無間年七十八卒

墓

費鑑如字損應廬膳生迨志力學博覽羣書大興朱文正校士禾

中鑑如與同邑黃欽阿屈構如均列高等時費思耳聾屈思背僕

黃思足該文正顧而歎曰何天之困阨斯人也鑑如歲科校冠軍

者再中年後紹憲進取以課徒終著有詩義纂要

語文

平湖縣志

卷七

人物 列傳三

哭

徐光燧字鳳輝號絳齋諸生少好遊嘗歷赤城華頂諸勝中年患

咯血習養生家言遂棄舉業隱居清溪工詩善書尤精琴理有露

窓引一曲乃北平韓園所傳於李廷是者光燧得之爲時獨步重

遊泮宮荷全帛之賜年九十五卒著有山影樓詩存琴譜姪孫軹

字雲許諸生性兀傲善爲詩著有鐵飽樓詩

語文

蔣元宇大始號澄邨庠生自少潛心理學家貧授徒手抄儒先書

積卷盈帙寒暑不輟遇有誤毀程朱者力斥之年六十餘坎可以

卒著有人範六卷古文載道編教苑補編義桂堂詩文集

語文

賈朝琮字公桓號嘯軒乾隆辛卯副貢舉問淹通留心經世之略

足迹半天下故於河渠形勝諸說尤能得其精確教子弟務爲實

學期於有用晚居竹溪自號竹溪漁父栽花種竹以著述自娛著

學期於有用晚居竹溪自號竹溪漁父栽花種竹以著述自娛著

有嘯軒詩集子教區教復教良教區原名字吉甫號菊石庠生工

詩善八分書著有知止堂詩稿鬱林遊記教復原名字卓人號蘭

泉道光壬午舉人累上春官不第卒於郡中旅寓著有守約齋遺

詩教良原名字博如號芝房庠生工詩古文詞與兄教區教復齊

名有當湖三鳳之目同邑朱壬林觀察稱當湖文繫任以校讎之

役教良悉心編纂抉擇甚精後遷地松江遂卒著有養雲仙館文

集八卷詩集八卷詞稿二卷府志

沈廷燦字瞻雲號靜齋仲子爲庠生負氣敢言教誨某借典史

陳繩伎之女於署觀之會學使蒞試禾郡諸生進白狀燦與陳瑛

張肇華爭之尤怒語侵教誨郡守將其無師生體學使爲笞三人

焉七邑士咸壯之案發燦竟優等爲文雄勁甲午鄉試本房薦元

平湖縣志 卷七 人物 列傳三 吳

以詞累抑置詞車入都就銓州倅冀得祿養數年未補遂歸掌教

常山及當湖書院引掖後進有法就吟咏工分隸書及張草晚白

訂詩案爲僅存風餘二集藏於家詩文

周宗到字菱香號蘆江幼有神童之目十三歲爲庠生歲科校觀

前列工詞賦及楷法沈默寡言爲於孝友領乾隆丁酉鄉薦同里

沈文恪親學江蘇招之入幕校藝旋偕人都以病歸卒於天津舟

次年僅三十九弟宗建字香醇乾隆丙午舉人禮闈展薦不售邑

令延王當湖社學席著有萍棧詞余談自有傳詩文

張誠字希和號熙河世昌子乾隆丁酉舉人庚子應

南巡召試文學繕其中外省頌交口推重入上春官不第遂以著述自娛
誠慕陸清獻之爲人故著其祠墓與同志公舉率祠生表章甚力

其學一以清獻爲師潛心性命而務有濟於實用復留心掌故邑

令王恆廷修邑志祇綱羅散佚表章舊聞實集前志之成生平嗜

義舉嘗倡修 文廟偕諸兄弟改建兩廡又倡舉瘞瘵會瘞枯骨

一萬六千有奇性好播嘗東登泰岱西陟峨嵋足達半天下中年

後倦遊閉戶墨石爲嬰山巖壑畢具爲二十四景環山爲園時時

嘯咏其中旋以謁選入都卒年六十有七入祀鄉賢祠以孫金鋪

炳堃 累贈至資政大夫著有嬰山小園詩文集梅花詩話峨嵋

山小志等書子湘任孫金鋪炳堃俱有傳府志

孫始然字肇明號研巢太學生九歲而孤事母以孝聞讀書過目

成誦率三弟閉戶窮經寒暑不輟屢應鄉試乾隆丁酉已入毅而

終見讀遂棄舉子業以吟咏自娛手一編不釋取法唐人進而益

平湖縣志 卷七 人物 列傳三 辛

上著有研巢詩存二卷詩文

孫照字正鵬號貯雲太學生生平究心史學故作文時見根柢十

應鄉試僥得僥失終不過性耽吟咏尤長於古體詩嘗一遊京師

歸後悉遵名山水著有一耶壑齋吟稿詩文

陳謨字汝師號拙修 恩貢生父兄年皆逾邁事之能得歡心性

偶隨遇不平事輒持論侃侃侃侃侃侃侃侃侃侃侃侃侃侃侃侃

辭著有拙修文稿春秋約旨讀左傳摘讀史偶摘等書卒年七十

七子璞珍璞字國器自少聞謨教言即有志經濟之學屢試不遇

閉戶讀書著有時務臆說珍字禾獻號愧莊庠生少承父兄指授

潛心力學不求速化三年大比足跡罕至好讀陸忠宣公集又耽

常熟顧氏方輿紀要之書手錄至數十冊年八十無疾卒著有從